



Broj:01/5-02-2247-1/23
Sarajevo, 14. 9. 2023. godine

Primljeno: 27-09-2023			
Org. jed.	Broj	Priloga	Vrijednost

PREDSTAVNIČKOM DOMU

Komisija za sigurnost Predstavničkog doma Parlamenta Federacije Bosne i Hercegovine (u daljem tekstu: Komisija) održala je **5. sjednicu u ponedjeljak, 14. 9. 2023. godine**. Sjednici Komisije prisustvovao je dovoljan broj članova Komisije, tako da su ispunjeni uslovi za punovažan rad u pogledu kvoruma i odlučivanja.

Prema predloženom dnevnom redu Komisija je jednoglasno usvojila sljedeći:

DNEVNI RED

1. Usvajanje Zapisnika s 4. sjednice Komisije,
2. Prijedlog za organizovanje tematske konferencije o sigurnosnim izazovima u FBiH, koji je uputio Međunarodni republikanski institut – IRI,
3. Informacija –veza akta broj: 01-45-1987/23 od 27. 3. 2023. godine,
4. Razmatranje aktuelne sigurnosne situacije u Federaciji BiH,
5. Tekuća pitanja.

Na osnovu člana 44. stav 2., a u vezi sa članom 61. Poslovnika Predstavničkog doma Parlamenta Federacije BiH, Komisija podnosi sljedeći:

IZVJEŠTAJ

Ad-1 Usvajanje Zapisnika s 4. sjednice Komisije

Zapisnik s 4. sjednice Komisije je jednoglasno usvojen.

Ad-2 Prijedlog za organizovanje tematske konferencije o sigurnosnim izazovima u FBiH, koji je uputio Međunarodni republikanski institut – IRI

Nakon uvodnog izlaganja predstavnica Međunarodnog republikanskog instituta – IRI Amile Karačić i Anese Omanović o Prijedlogu za organizovanje tematske konferencije o sigurnosnim izazovima u FBiH, te sveobuhvatne diskusije članovi Komisije jednoglasno su donijeli sljedeće:

ZAKLJUČKE

1. Komisija za sigurnost jednoglasno je prihvatila Prijedlog za organizovanje tematske sjednice s Međunarodnskim republikanskim institutom – IRI o sigurnosnim izazovima sa fokusom na djelovanje ekstremističkih desničarskih grupa u Bosni i Hercegovini,



nasilja i maloljetničke delikvencije, te uticaja istih na maloljetnike. Tematska sjednica planirana je za, ponedjeljak, 23. 10. 2023. godine u amfiteatru Parlamenta FBiH.

2. Komisija za sigurnost jednoglasno je usvojila prijedlog članova Komisije Almedina Aliefendića i Damira Mašića da se u roku od 60 dana organizuje tematska sjednice o sigurnosti u saobraćaju, s tim u vezi Komisija traži od Federalne uprave policije da pripremi informacije o navedenoj temi, te iste dostavi u što kraćem roku.

Ad-3 Informacija –veza akta broj: 01-45-1987/23 od 27. 3. 2023. godine

Nakon uvodnog izlaganja predstavnika Fedralnog ministarstva pravde Hidajeta Trake i sveobuhvatne diskusije članovi Komisije jednoglasno su donijeli sljedeće:

ZAKLJUČKE

1. Članovi Komisije jednoglasno su prihvatili prijedlog da predsjednik Komisije Dragan Mioković održi sastanak po Ad-3 Informacija –veza akta broj: 01-45-1987/23 od 27. 3. 2023. godine, s federalnim ministrom pravde.
2. Komisija za sigurnost traži da Ured za reviziju institucija Federacije BiH dostavi informaciju o reviziji učinka u kazнено-popravnim zavodima Federacije BiH u što kraćem toku.

Ad-4 Razmatranje aktuelne sigurnosne situacije u Federaciji BiH

Na osnovu usmenog islaganja i obavljenog razgovora sa predstavnikom Federalne uprave policije Nerminom Sijamhodžić o aktuelnoj sigurnosnoj situaciji u Federaciji BiH, a shodno svojim ovlaštenjima, nakon sveobuhvatne rasprave članovi Komisije jednoglasno su donijeli sljedeći:

ZAKLJUČAK

Članovi Komisije za sigurnost Predstavničkog doma Parlamenta Fedracije Bosne i Hercegovine će u narednom periodu izvršiti obilazak svih kantonalnih ministarstva unutrašnjih poslova, s ciljem sticanja uvida u stanje sigurnosti u Federaciji Bosne i Hercegovine, ne samo putem redovnog izvještavanja od strane FMUP, nego i kroz direktan kontakt sa čelnim ljudima unutar policijske strukture u Federaciji BiH.

Precizan plan sa terminima obilaska biće blagovremeno usaglašen i dostavljen svim kantonalnim ministarstvima unutrašnjih poslova u Federaciji BiH.



S ciljem kvalitetne pripreme članova Komisije, do 01.10.2023. dostaviti sljedeće podatke:

1. Broj prijavljenih u odnosu na broj riješenih krivičnih djela protiv života i tijela,
2. Broj prijavljenih u odnosu na broj riješenih krivičnih djela iz oblasti protiv spolne slobode i morala,
3. Broj prijavljenih u odnosu na broj riješenih krivičnih djela teška krađa, razbojništvo, razbojnička krađa,
4. Broj prijavljenih krivičnih djela nasilja u porodici,
5. Ukupan broj prijavljenih saobraćajnih nezgoda,
6. Broj saobraćajnih nezgoda sa smrtnom posljedicom,
7. Broj saobraćajnih nezgoda sa povrijeđenim licima,
8. Događaji koji se mogu dovesti u kontekst teških krivičnih djela protiv opće sigurnosti ljudi i imovine i krivičnih djela počinjenih iz mržnje – ugrožavanje života i tijela pripadnika manjinske populacije, napadi na sveštena lica, sknavljenje bogomolja, oštećenja nadgrobnih spomenika i sl.

Traženi podaci se odnose na period 01. 1. – 01. 9. 2023. godine, uporedno, sa istim periodom 2022. godine.

Ad-5 Tekuća pitanja

Članovi Komisije jednoglasno su prihvatili prijedlog da predsjednik Komisije Dragan Mioković organizuje sastanak po zaključku sa 3. sjednice Komisije broj:01/5-02-1741-1/23 od 20. 6. 2023. godine.

U skladu sa članom 53. Poslovnika Predstavničkog doma za izvjestioca je određen Dragan Mioković, predsjednik Komisije.

PREDSJEDNIK KOMISIJE
Dragan Mioković, s.r.